


EGUNEKO DIANAK

Alemaniako Gobernuak



Alemaniako Gobernuak kontsulatu ireki du Ljubljana Esloveniako hiriburuan. Adituen esanetan, Eslovenia eta Kroaziaren independentzia onartu asmoz alemaniarrek ematen duten lehen pausua da hau. Alemaniako Gobernuak garbi utzi du bi errepublikaren independentzia onartutakoan Ljubljana eta Zagreben egun dituen kontsulatuak enbaxada bihurtuko dituztela berehala / 16

Espainiako Armada



Mungiako koartelean zerbitzu militarra egiten ari zen Santurtziko gazte batek bere buruaz beste egin zuen astelehenean. Talde antimilitaristen hitzetan, «horrelako gertakariak derrigorrezko zerbitzu militarren erregimen ierarkikoaren ondorio dira». Madrileko Soldaduen Bulegoko datuen arabera, 182 gazte hiltzen dira soldadutzaldian urtero, arrazoi desberdinak direla eta / 7

Ondarroako armadoreak



Ondarroako armadoreen jokabidea salatu zuten ELA eta LAB sindikatuek: «untzijabeek ez dute soldatetan aldaketa garrantzitsurik egin nahi eta eskaintzen duten soldata gutxienezko soldataren parekoa da, 55.000 pezetakoa alegia». Jokabide horrek komentoaren negoziatioak eragotzi egiten dituela eta horrek gatazkak ekarriko dituela erantsi zuten sindikatuok / 12

Julian Garcia Valverde



Espainiako Gizarte Segurantzak ez ditu aurrerantzean sendagai guztiak finantzatzuko, Julian Garcia Valverde Osasun ministroak atzo Senatuan iragarri zuen legeaz. Merkaturan hamabost urtetik gora daramatzaten sendagaien prezioa liberalizatu egingo du Ministeritzak eta antzeko eragingarritasuna duten bi sendagaien artean kalitate oneneko bakkrik finantzatzuko du / 13

Amaia Urtizberea: «Aztiak onik egiten ez zienean jotzen zuten gugana indigenek»

A. ITURRIOTZ / BILBO

Unibertsitatea utzi eta Barcelonan medikuntza tropikalean espezializatu ondoren, Amaia Urtizbereak Zairerako hegazkina hartu zuen, Begoña Garros bere lagunarekin batera. Aspaldi hartua zuen Hirugarren Munduaren alde lan egiteko konpromezua; beltzen Afrika aukeratu zuten, frantsesa jakin badakitelako eta Hegoamerika gaztelera bakarrik dakitenei utzi nahian. «Medikus Mundiko kidea naiz eta urte asko daramatza beraiekin elkarlanean. Baina horiekin joateko bi-hiru urterako kontratua sinatu behar duzu eta ez genekien horrenbeste denbora irauteko indarririk izango genuen ala ez. Gure ideia, printzipioz, sei hilabeterako joatea zen eta horregatik jo genuen karmeldarregana» dio.

Brusselen hegazkinean igo, Zaireko aireportuan jepea hartu eta zuzenean joan ziren Kungungiko misiora, ohianeko bihotzera. Aldaketa bortzitza izan zen bilbotarrentzat: argindarrik ez zuten txaboletan eta iturriko ura ezin zen edan; pizirik ez, baina sugeak edonondik irteten ziren eta logeletara ez sartzeko oholak jartzen zituzten ate azpitan; heltxoek koskadaz josten zituzten, kanpoarekin inolako kontakturik ez zuten... Hiriburutik 600 kilometrora zegoen misioa, autoz 19 ordura. Bertan izan ziren sei hilabeteetan behin bakarrik jaitsi ziren hirira, negurako erosketak egitera. «Euri asko egiten



SOSLAIA

Berrito Hirugarren Mundura

Berrito Afrikara joateko asmoa du, oraingoan bi-hiru urterako, baina ez Zairera, «bertako egoera politikoa larria delako», ez eta misio batera ere, «esperientzia ona izan den arren, ez naizelako erlijiosa». Gurasoek oso gaizki hartu dute alabaren erabakia, baina azkenerako onartu omen dute. Zairen zegoenean etxeko bat hil zitzaion: «Gutuna handik hilabete askotara jaso nuen eta etxeratzeko gogoia izan nuen». Gaur egun eskoletan dabil Amaia diapositibak erakutsi eta hitzaldiak ematen. Hirugarren Munduaren egoera zein den erakutsi nahi du, jendea kontzientziatu: «zairerarrak miseriarik gordinenean bizi dira, goseak eta gaixorik, baina irribarreka beti ezipainetan» dio hunkiturik.

du bertan eta karreterak berehala lokazten dira, jeeparekin bidean ez aurrera ez atzera gertzeko arriskua duzularik. Gainera, gasolina urria eta oso garestia da eta larrialdi egoeretan bakarrik erabiltzen dugu» dio.

Misioko osasun eremuak 80 kilometro karratu zeuzkan bere babesean eta 6.000 pertsona inguru. Desnutrizioa eta malaria dira bertakoek sufrizten dituzten gaitzik arruntenak: «Jateko gutxi daukate, ereiten dutenaren parterik handiena saldu egiten dutelako, diru horrekin gatzia, olioia eta lehen mailako elikagaiak erosteko. Proteina falta handia daukate; haragi eta arrairik ez dute ia jaten. Basoan hartutako harrak dira beren proteina iturririk garrantzitsuenak».

Indigenak misiotik kilometro askotara bizi dira eta karmeldarren kontsultara baino lehen herriko aztiarengana jotzen zuten. «Aztiaren lanak emaitza onik ez zuen haietan etortzen ziren gugana. Aztiak, askotan, osatu baino gehiago gaitza okertu egiten zuten eta haiek eragindako kutsadurak tratatu behar izaten genituen guk». Amaiak argitu duenez, haurrik gabeko bikotea madarikazioa da Zairen eta aztiak belarrak sartzen dizkiete neska gazteei umetokitik: «Peritonitisa zeukan emakume bati ebakuntza egin genion. Umetokia ustelduta zeukan». Gurean ere petrikiloarekin hasi eta gero medikuarengana doan jende asko dagoela ekarri du gogora, hango aztiak hemengo petrikiloen funtzioa dutela gaineratuz.

Udal zergak % 30 garestituko dira Hernanin 1992an

Ekintza Ekonomikoaren Zerga onartu zuen atzo Hernaniko udalbatzak, EAJ, EA, PSOE eta EE alderdien aldeko botoekin. Herri Batasuna eta EMK-LKI udal zergak igoztearen aurka agertu ziren. Udal bilkura hamabi terdian hasi zen, aretoa herritarrez gainezka zegoelarik. Zergaren eztabaidak bi ordu luze iraun zituen eta azkenean zinegotzi gehienek oniritzia lortu. Horrela, udal zergak % 30 garestiagoak izango dira 1992. urteko urtariletik aurrera Hernaniko herritarrentzat. Zenbait kasutan % 100eko igoera ere izango dute zergak.

Zerga berriaren aurkako beren profesta erakusteko, orduerdiz itxita izan zituzten hernaniarrek atzo, eta baita herenegun ere, herriko denda eta tabernak. Herritarrek, gaurtik hasi eta hogeitamar egunetako epean, alegazioak aurkeztu ahal izango dizkiote zerga berri honi. Epea amaitu ostean, berriro eztabaidatuko da udal bilkuran eta behin-betiko onartuko da.



ELLORRIETAKO dorrea bota zuten atzo Bilbon. Metroko obrak direla kausa, 1989. urtean inauguratua izan zen Elorrietako urtegiko tximinia bota zuten atzo, J. SIMALEN argazkian ikus daitekeen bezalaxe. Eraikuntza hau hiru solairutako dorre hexagonal bat zen. Bizkaiko Foru Aldundiko agintarien arabera, «dorre botatzea ezinbestekoa zen, Bilboko metroa trenbide sarearekin bat egingo den tokian zegoelako».

Gerra Zibil garaiko bi proiektu aurkitu zituzten Orduñan

Gerra Zibil garaiko bi proiektu aurkitu zituzten Orduñan atzo. Orduñako haitzen inguruan paseatzen zebilen gizon batek aurkitu zuen lehenengoa; mendizaleak normalki ez dira paraje hauetatik ibiltzen eta haxe izan daiteke orain arte proiektila ez aurkitzeko arrazoia. Ertzaintzak gerra tramankulua indargabetu zuen eta ondoren inguruak miatu. Miaketan aurkitu zuten bigarren proiektila. Biak 105 milimetroko kalibredunak ziren, eta antza, ez zuten eztanda egin mekanismoaren hutsengatik. Duela aste batean Gerra Zibil garaiko beste proiektu bat aurkitu zuten Durangaldean.

'Nadira eta kristalezko bola'

'Nadira eta kristalezko bola' antzerki obra estreinatuko da datorren larunbatean Tolosan. Kandela produktorak egindako haurrentzako obra da eta Jose Ramon Saroiz, Pilar Rodriguez, Amaia Rodriguez eta Anabel Alonso dira aktoreak. Erdarazko bertsioa prestatuta daukaten arren, Euskal Herrian euskara hutsez aurkeztuko dute berori. Bestalde, larunbatean bertan Milan-eko Arturo Toscanini teatro lirikoak Mozarten 'Xirula Magikoa' opera antzezuko du Donostian.

LERRO GUTXITAN

ETA BIHAR

ONCE

ASTELEHENA 27.461

ASTEARTEA 31.985

OSTEGUNA

KUPOITZARRA

OSTIRALA

ASTEAZKENA

08114